

September  
2009Posbus 20  
Hermanus 7200

	Telefoon	Faks
Hermanus	028 313 8000	028 313 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445

24 Uur Beheerkamer Brandweer	028 313 8000/8111 028 312 2400
---------------------------------	-----------------------------------

# Bulletin

Amptelike nuusbrief van Munisipaliteit Overstrand

• SPORT, VERMAAK, STALLETJIES, MAAR

## WALVISFEES FOKUS OP ONS RYK SEELEWE

Die lente lui die aankoms van ons walvisse in, en die 18de jaarlikse Hermanus-walvis-fees op die koop toe. Hierdie jaar gaan ons op die viering van ons ryk seelewe fokus, en ons gelukbringer is Wallie die Walvis en sy maatjies uit die oseaan. Die omgewing-expo sal digby die amfiteater op die Waterfront-piazza aangebied word met fassinerende praatjies deur mariene kundiges.

Die organiseerders het die SAB Gig Rig en 'n ongelooflike program gereël wat belooft om in almal se smaak te val. Suid-Afrika se country-legendes Billy Forrest, mama-country Sally Vaughn en Bobby Angel gaan op Donderdag, 24 September optree, en ook op Donderdag belooft The Four Kings se komedie om jou te laat rol van die lag. Die vier grappies Hannes Brumer, Melt Sieberhagen, Martin Jonas en die White Warrior gaan die gehoor met hul stoute humor en kwinkslae vermaak, en op Saterdag, 26 September behoort die verhoog aan Abba Magic, 'n tweeuurvertoning wat ongetwyfeld 'n hele paar "encores!" gaan ontlok.

Talentvolle plaaslike kunstenaars gaan gedurende die dag gratis vermaak aanbied. Die 36 kunswerkstalletjies met Suid-Afrikaanse produkte is noukeurig gekeur, en dan bied die kosstalletjies 'n groot verskeidenheid keurgeregte aan waarvan sommige deur plaaslike deelnemende restaurante verskaf word.

'n Opvoedkundige program oor Hoy se Koppie en sy erfenis sal op Erfenisdag by

die Burgersentrum se Ouditorium aangebied word, gevolg deur 'n ware kultuur-aand op Vrydag.

Weens laas jaar se sukses en die reaksie van ons plaaslike "jong" entrepreneurs gaan die tweede Kinderoggendmark na die amfiteater omgewing verskuif sodat hulle hul talente behoorlik ten toon kan stel. Kom maak kennis met die Simba-man wat 'n paar toertjies uit sy harige mou gaan ry! Straatvermaak sluit komediant, marimba, straatsangers en ons eie lyndansers in.

Die altyd gewilde "Whale and Wheels" klassieke motorskou gaan op Saterdag, 26 September by die Hermanus-laerskool se gronde gehou word. Sportentoesiaste kan uitsien na die Walvis-halfmarathon, 'n spin-a-thon, 'n liggaamsbouvertoning, 'n bokstoernooi en 'n "BMX extreme sport"-

tydren. Die gesogte Whale Festival Classic-gholfdag slaan op Vrydag, 25 September by die Hermanus-gholffklub af.

Vir meer inligting, tree asseblief met die feeskantoor in verbinding by 028 313 0928 en besoek gerus ons webwerf by [www.whalefestival.co.za](http://www.whalefestival.co.za)

### Ook in September:

- 10, 11 en 12 September 2009: Jaarlikse Orgidee-skou in die saal van die St Peter's Kerk, Hoofweg, Hermanus (09:00 tot 17:00 op Donderdag en Vrydag, en 09:00 tot 16:00 op Saterdag).
- 17 tot 20 September 2009: Flower and Eco Fair by die Fernkloof-natuur-reservaat, Hermanus (09:00 tot 17:00 elke dag).



### HERBERT VERTREK

Overstrand se beste wense vergesel raadsheer Verrell

Herbert en sy vrou. Hy het einde Julie sy bedanking as onderburgemeester en raadslid ingedien om na Australië te emigreer, waar familie woon. Mnr Herbert was sedert 1994 by plaaslike bestuur hier betrokke en het in Junie 2005 die eretitel van raadsheer vir volgehoue dienslewering op 'n hoë vlak ontvang. In Maart 2006 is hy tot Uitvoerende Onderburgemeester van Overstrand verkies. Mnr Herbert was 'n proporsionele lid vir die Demokratiese Alliansie. Sy opvolger sal dus deur dié party aangewys word, en 'n nuwe onderburgemeester sal binnekort by 'n spesiale raadsvergadering verkies word.



**Gedugte span:** Van links na regs: Glenda Furst, Elizabeth Klaas, Joyce Rowstone, Sandy Carruthers, Claudine Dyck, Marlene Lewis, Marianné Beyleveldt en Bea Whittaker. Afwesig is Mary Hull en Jenny Sauls.

## NEGE AANGEWYS AS OVERSTRAND SE VROU VAN DIE JAAR

Vrouedag is nie 'n geleentheid wat in Overstrand ongemerk verbygaan nie. Saterdagoggend 8 Augustus 2009 het Burgemeestersvrou Marianné Beyleveldt soos gebruiklik 'n Vrouedag-ontbyt aangebied waar nie minder nie as nege Overstrandse vroue vereer is vir die bydraes wat hulle in verskillende gebiede op verskillende terreine lewer. Die weners vanjaar was:

- Sandy Carruthers (Hangklip), stigter van Pikkewyntjies-voorskool in Mooiuitsig en weldoener aan minderbevoorregte kinders;
- Marlene Lewis (Kleinmond), wat as stigterslid van die Tabita-beweging mense leer klerke maak, in verskeie handwerk-kunste oplei en help met die verkoop van vervaardigde produkte;
- Mary Hull (Proteadorp), wat die Slagofferbemagtigingsprogram koördineer, kos aan werkloos voorsien en siekes versorg;
- Elizabeth Klaas (Zwelihle), stigter en prinsipaal van die Khanya Educare-sentrum, wat misbruikte en verwaarloosde vroue en kinders bystaan en veral na gestremde

kinders omsien;

- Glenda Furst (Hermanus), vir haar gemeenskapswerk in Zwelihle waar sy 'n sleutelrol speel in die suksesvolle bedryf van die Izibusiso-pleegsorghuis en ook betrokke is by berading van mense in rou;
- Jenny Sauls (Mount Pleasant), vir haar rol by die Lombardi-dienssentrum en ander aktiwiteite vir senior burgers, soos die Golden Games, World Elderly Abuse Awareness Day en Age in Action;
- Joyce Rawstone (Hermanus), wat afvalkos by restaurante kollekteer om honde in Zwelihle te voer en ook toesien dat hulle skoon water het;
- Bea Whittaker (Stanford), vir haar betrokkenheid by die monitering van opvangsgebiede, die verwydering van indringerplante en die invoer van huers met mediese voorraad vir verspreiding in Overberg;
- Claudine Dyck, wat as persoonlikheid van die jaar in die REACH-program bekroon is, ondersteuning gee aan vroue en kinders wat seksueel misbruik is en uitstekende gemeenskapdiens in Beverly Hills, Gansbaai verrig.

# HOE OM JOU ELEKTRISITEITSREKENING TE VERLAAG

'n Ontleding van jou elektrisiteitsverbruik sal waarskynlik wys dat afhankende van die seisoen, tussen 40 en 50 persent van jou elektrisiteit gebruik word om water te verwarm om te bad of op te was, 10 tot 12 persent om te kook, 12 tot 16 persent vir elektriese toebehore en 5 tot 8 persent vir beligting. Gedurende die winter, sal jy 20 persent van jou verbruik aanwend om ruimtes te verhit, en in die somer sal 15 persent aangewend word om jou swembad skoon te maak.

In die lig hiervan sal die volgende wenke grootliks help om jou maandelikse elektrisiteitsrekening te verlaag:

## Warmwatersilinder

1. Leer alle lede van die huishouding, veral huishulpe en kinders, hoe om warm water ekonomies te gebruik.
2. Wanneer jy bad, gebruik so min water as moontlik of, beter nog, stort eerder.
3. Moenie net een koppie op 'n slag onder die warmkraan was nie maar laat die skottelgoed eerder ophoop en was alles tegelyk in die wasbak op.
4. Moenie toelaat dat warmkrane drup nie.
5. Stel die warmwatersilinder se termostaat so laag as moontlik, na gelang van die huishouding se

behoefte aan warm water.

6. Skakel die silinder af wanneer dit nie gebruik word nie, byvoorbeeld oornag. As die gesin gedurende die dag uitgaan om te werk, kan die silinder in die oggend afgeskakel word. Allerbelangrik, skakel die silinder af wanneer jy vir relatief lang tye uithuisig gaan wees, byvoorbeeld op vakansie.
7. Die aanbevole temperatuurstelling is 55°C.

## Stoof

1. Wanneer die water gekook het, draai die hitte tot so laag as moontlik af sodat die water net bly kook. Moenie die hitte hoër stel as wat absoluut nodig is om kos te kook nie.
2. Dit is goedkoper om water in die ketel as in 'n kastrol op die stoof te verhit.
3. Moenie kos vir langer as nodig kook nie.
4. Maak seker dat kastrolle se bome plat is sodat goeie kontak tussen die stoofplaat en die boom van die kastrol bewerkstellig word.
5. Vir stowe met swaar soliede plate wat hul hitte behou, draai die plaat af 'n paar minute voordat die kastrol verwyder word.
6. Klein kastrolle moet op die stoof se

klein plate verhit word ten einde onnodige hitteverlies te vermy.

7. Dit is goedkoper om 'n mikrogolfoond as 'n stoof te gebruik.

## Yskaste en Vrieskaste

1. Maak die yskas of vrieskas so min as moontlik en vir so kort as moontlik oop.
2. Moenie warm kos in die yskas of vrieskas sit nie. Laat dit eers buite afkoel.
3. Verseker dat die deure se verseëling in 'n goeie toestand is.

## Ruimteverwarmers en Lugversorgers

1. Sit so na as prakties moontlik aan 'n warmer om sover as moontlik te vermy dat albei elemente op dieselfde tyd aangeskakel moet word.
2. Skakel die warmer af wanneer niemand vir 'n ruk lank in die vertrek gaan wees nie.
3. Wanneer verwarmers of lugversorgers gebruik word, sorg sover as moontlik dat daar nie te veel venters ooggemaak word nie.
4. Gordyne help om die hitte in 'n vertrek te behou. Trek die gordyne vroeëgaand toe, veral in koue weersomstandighede.
5. Dit is goedkoper om 'n elektriese kombors te gebruik as om die slaap-

kamer met 'n verwarmte te verhit.

## Ander Elektriese Toebehore en Ligte

1. Wanneer jy die ketel gebruik, moet dit nie tot heel bo volmaak as die plan is om net een koppie tee te maak nie.
2. Berg die oormatige warm water uit die ketel in 'n warmfles vir latere gebruik om mee koffie te maak of op te was.
3. Skottelgoedwassers en wasmasjiene moet net gebruik word wanneer mens 'n vol lading het en nie net 'n paar items nie.
4. Moenie die ligte onnodig laat brand nie.
5. Hou 'n oog op jou gloeilampe en kyk uit vir geleenthede om hulle met kompakte fluoresserende ligte te vervang. Hierdie ligte kan tot driekwart van die elektrisiteit bespaar wat deur gloeilampe gebruik word en het 'n baie langer lewe. Die beste teikens is 60-100W gloeilampe wat vir 'n paar ure per dag gebruik word.

## Swembaddens

1. Laat filtreerpompe so min as moontlik werk.
2. Gedurende die winter, word alge se groei ingeperk, en die gebruik van die filterstelsel vir skoonmaakdoeleindes kan tot een keer elke paar dae beperk word.

## MORELESTANDAARDEINISIATIEF: N° 6

### 'N GEMEENSAP WAT OMGEE

deur Ronél Mostert

Die vyfde van ses waardes waarop die Groter-Hermanus Morelestandaarde-inisiatief fokus, is OMGEE. In 'n gemeenskap waar die houding en gedrag van sy mense van 'n sorgsame aard is, word daardie dieper sin van betekenis, van voorneme en van behoort ervaar.

Ten einde 'n sorgsame houding te openbaar, kan mens begin deur klein dingetjies op die plaaslike vlak te doen, soos om jou bure se belange op die hart te dra of 'n boom by 'n gemeenskapsentrum te plant. Mense wat omgee, sien die pyn en behoeftes van ander lede of groepe binne die gemeenskap raak en doen iets daaromtrent. Om vir die wat alleen of oud is, die armes, die kinders, die behoeftiges en die siekes om te gee, is aktiewe maniere om hierdie fundamentele waarde prakties toe te pas. Dit is hoe verandering in lewende sisteme plaasvind: nie van bo-af nie maar van binne.

Omgee behels ook om vir die omgewing te sorg, om te verseker dat die natuurlike hulpbronne op 'n verantwoordelike manier benut word, en dat hulle teen vandalisme en selfsugtige eksploitasie beskerm word. Deur higiëne en netheid te bevorder, gee burgers nie net uitdrukking aan hul selfrespek en respek vir andere nie maar lê ook 'n sin van verantwoordelike omgee in sorgsaamheid vir die dorp waarin hulle leef aan die dag.

'n Ander aspek van omgee is om jouself, jou gesin en ander te beveilig en te beskerm. Burgers moet hulle teen misdaad en geweld verset om sodoende die vreedsame lewenstyl en kameraadskap te verseker wat 'n gemeenskap nodig het.

Ouers word aangemoedig en uitgedaag om om te gee vir die gesonde ontwikkeling en behoorlike opvoeding van hul kinders. Ouers wat omgee, gee hul kinders nie net 'n veilige tuiste nie; hulle gee hul kinders ook onvoorwaardelike liefde, aanvaarding en ondersteuning en word aktiewe vennote van skole, kerke en ander instansies om sodoende hul kinders te help om hul volle potensiaal te ontwikkel.

Duisende jare gelede is die vraag gevra: "Is ek my broer se wagter?" Ja, ek is my broer se wagter. Ek staan onder 'n morele verpligting tot hom wat nie deur enige stroperige sentimentaliteit geïnspireer word nie maar wel deur 'n hoër plig wat ek aan myself verskuldig is.

Kom ons vra onsself dan die volgende af:

- Kan ons onself as individue en gemeenskappe beskou wat omgee? Reageer ons op die behoeftes van andere, of sien ons dit kastyg nie raak nie?
- Word ons hulpbronne gekoester en met sorg na ons omgewing omgesien, en word ons kinders geleer om dieselfde te doen? Weerspieël ons lewensvrede en stabiliteit, en het ons 'n sorgsame tuiste vir ons kinders geskep?
- Is die ervaring van besoekers aan ons dorp 'n positiewe een, en beskou hulle ons as inwoners wat vriendelik en hulpvaardig is? Is ons enigins anders as enige ander dorp?

Enige kommentaar of voorstelle oor die Morelestandaarde-inisiatief kan gerig word ernstes@vodamail.co.za of per SMS na 082 412 4538/082 470 3975.

## WALVIS-VERJAARDAGPARTYTJIE

Op Dinsdag 22 September 2009 bied Maraai, in samewerking met die Walvisfeeskomitee, 'n "verjaardagpartytjie" vir die sewentigplussers van Groter Hermanus aan. Dit begin om 10:30 in die Sandbaaisaal. Plaaslike kunstenaars gaan die gaste vermaak. Aparte partytjies word later vanjaar in Hangklip-Kleinmond en Gansbaai/Stanford aangebied. Indien u belangstel om kaartjies vir hierdie partytjie te bekom, of om as gasvrou vir 'n tafel op te tree, kontak asseblief vir Elize Verrij by tel 028 313 8058, faks 028 313 8067 of e-pos everrij@overstrand.gov.za

## WÊRELDOMGEWINGSKALENDER: N° 6



## NASIONALE KUS-SKOONMAAKWEEK

14-19 September

Suid-Afrika vier nasionale kus-schoonmaakweek vanaf 14-19 September as deel van die wêreldinisiatief Internasionale Kus-schoonmaakdag wat jaarliks op die derde Saterdag van September gehou word. Die oogmerke van hierdie dag is om rommel langs waterliggame te verwyder, om hierdie rommel te gebruik om waardevolle inligting oor besoedelingstendense te verkry, om die publiek bewus te maak van die oorsake en gevolge van rommelstrooiing en om bewustheid van waterbesoedeling te skep.

Die internasionale geleentheid word reeds langer as 20 jaar gehou. Die eerste strand-opruiming is in 1986 langs die kus van Texas gehou waar 2.800 vrywilligers mariene rommel opgetel het. Sedertdien is die inisiatief uitgebrei om riviere, strome, vleilande en ander waterliggame wat aan die oseaan verbind is, in te sluit. Mariene rommel het nie nood-

wendig sy oorsprong in die oseaan nie maar op land, en hierdie waterliggame is die wêreldwye rommel na die oseaan versprei word.

Die 2009-verslag van die Oseaanbewaarliggings, 'n voorspraakgroep sonder winsbejag wat in die Verenigde State gebaseer is, vermeld dat 400.000 vrywilligers van 104 lande (insluitend Suid-Afrika) verlede jaar 6.8 miljoen pond mariene rommel op internasionale schoonmaakdag opgetel het! Die grootste gedeelte van hierdie rommel het uit ontspanning- en ander aktiwiteite langs die kuslyn ontstaan.

Mariene rommel bedreig ons voedselvoorraad, toerisme en ekonomiese aktiwiteite asook ons ekosistels. In die Overstrandstreek is ons almal ten nouste met die oseaan verbind. Om meer besonderhede te verkry, skakel Willemien Swanepoel by 028 313 8100.